

五礼通考

第七
函
第十册

五禮通考卷第一百六十一

內廷供奉禮部右侍郎金匱秦蕙田編輯

翰林院編修嘉定王鳴盛

參校

李太保總纂蘇都御史桐城方觀承同訂

直隸按察司副使元和宋宗元

嘉禮三十四

射禮

蕙田案孔氏穎達曰射禮有三一爲大射是將祭擇士之射二爲賓射是諸侯來朝而天子與之射或諸侯相朝而與之射三爲燕射謂燕息而與之射此所論皆臨時行禮之射又有平日肄習之射則鄉射是也射以觀德行故古聖人最重其事禮旣殘缺其完善可考者獨有儀禮大射儀鄉射禮二篇又戴記射義一篇而已鄭康成注鄉射以爲惟大射

賓射燕射謂之禮射則其餘皆散射也又注周官云庶民無禮射今取儀禮大射鄉射二篇爲首尊全經也旁采經傳分大射賓射燕射鄉射存其畧也終以諸書所論射雜儀及射器而射禮粗備矣

又案劉向別錄以射入吉禮唐開元禮入軍禮通典因之射爲六藝之一原所以習禮樂非專尙威武至於諸經言射兼朝祭饗燕亦不得專屬吉禮鄭康成注儀禮大射鄉射皆屬嘉禮宋史亦以大射入嘉禮頗存古意今從之

儀禮大射儀

鄭目錄云名曰大射者諸侯將有祭祀之事與其羣臣射以觀其禮數中者得與於祭不數中者不得與於祭射義於五禮屬

嘉禮

敖氏繼公曰諸侯與其羣臣飲酒而習

射之禮也言大射者別於賓射燕射也

盛氏世佐曰射義云諸侯之射也必先行燕禮又云諸侯君臣盡志於射以習

禮樂此篇所陳是也亦曰大射者別於鄉射也卿大夫與其民習射於鄉學謂

之鄉射諸侯與其臣習射於大學謂之大射其與賓射燕射異者彼是因賓燕

而射射否惟欲主於序歡情也此則爲射而燕主於習禮樂也不曰禮而曰儀

以其威儀之法

比鄉射尤詳也

大射之儀君有命戒射

注將有祭祀之事當射幸告於君君乃命之

宰戒百官有事

於射者

注宰於天子家宰治官卿也作大事則掌以君命戒於百官

射人戒諸公卿大夫射司

士戒士射與贊者

注射人掌以射法治射儀司士掌國中之士治凡其戒令皆司馬之屬也殊戒公卿大夫與士辨貴賤也贊佐

也謂士佐執事不射者

前射三日宰夫戒宰及司馬射人宿視滌

注宰夫

屬掌百官之徵令者司馬於天子政宮之卿凡大射則合其六耦滌謂灑器埽除射宮

蕙田案以上戒百官

觀承案上文射人戒是前期旬有一日此宰

夫戒是前射之三日射人宿是夕宿爲前一

日宗伯宿視滌濯是也

司馬命量人量侯道與所設之以狸步大侯九十參七

十千五十設之各去其侯西十北十

注量人司馬之屬掌量道巷塗數者侯謂所射布也

尊者射之以威不宵侯卑者射之以求爲侯量侯道謂去堂遠近也容謂之乏所以爲獲者之禦矢狸之伺物每舉足者止視遠近爲發必中也是以量侯道取象焉鄉射記曰侯道五十弓考工記曰弓之下制六尺則此狸步六尺明矣大侯熊侯謂之大者與天子熊侯同參讀爲慘慘雜也雜侯者豹鵠而麋飾下天子大夫也于讀爲豺豺侯者豺鵠豺飾也大夫將祭於已射麋侯七無由祭不射 貳熊侯而謂之大者言畿外諸侯亦得用三侯其數上同於天子而非畿內諸侯所可比故於熊侯加大以別之然不嫌於偏上者天子三侯則虎侯熊侯豹侯諸侯不得用虎侯而以熊侯慘侯豺侯爲三侯若畿內則但有熊侯豹侯此其所以別也云豹鵠而麋飾下天子大夫也者司表云卿大夫則共麋侯此則豹皮爲鵠以麋飾其側不用熊麋是下天子大夫也豺鄭注周禮云胡犬豺侯亦取捷黠意大夫得置家臣故將祭得大射擇士士卑無臣故祭不得射也遂命量人巾車張三侯大侯之崇見

鵠於參參見鵠於干干不及地武不繫左下綱設之西

十北十凡乏用革

注巾車於天子宗伯之屬掌裝衣車者亦使張侯侯巾類崇高也高必見見鵠鵠所射之主鵠之言較較直也射

者所以直己志或曰鵠鳥名射之難中中之爲倭是以取名淮南子曰鵠鵠知來然則所云正者正也亦鳥名齊魯之間名題肩爲正正鵠皆鳥之捷黠者考工記曰梓人爲侯廣與崇方參分其廣而鵠居一焉則大侯之鵠方六尺慘侯之鵠方四尺六寸大半寸豺侯之鵠方三尺三寸少半寸及至也武迹也中人之足長尺二寸以豺侯計之參侯去地一丈五寸少半寸大侯去地二丈二尺三寸少半寸凡侯北面西方謂之左前射三日張侯設之欲使有事者豫志焉 疏鄉射云乏

參侯道居侯黨之一西五步注云此乏去侯北十丈西三丈此經云西十北十則西與北皆六丈不得爲三分居侯黨之一者以其三侯入堂深故也西亦六丈者以三侯恐矢揚傷人與一侯亦異也三侯之下總云西十北十則其乏皆西十北十矣侯之廣狹取度於侯道大侯道九十弓弓取二寸二十九十八侯中丈八尺三分其侯而鵠居一故知鵠方六尺也參侯千侯亦以侯道弓數及弓取二寸推之大侯中丈八尺鵠方六尺參侯中丈四尺鵠方四尺六寸大半寸千侯中一丈鵠方三尺三寸少半寸凡言大半寸者二分寸之一少半寸者三分寸之一

張氏爾岐曰王大射用虎侯熊侯豹侯畿內諸侯二侯以熊侯爲首畿外諸侯得用三侯熊侯參侯豺侯以熊侯同於天子故云大侯三侯共道遞近以二十步爲率尊者射遠卑者射近侯遠則鵠大侯近則鵠小大侯之鵠見參侯之上參侯之鵠見千侯之上千侯下綱則去地一尺二寸此三侯高下之法也註知三侯之鵠廣狹之數者以侯之廣狹取則於侯道之遠近每弓取二寸九十弓者十八尺七十弓者十四尺五十弓者十尺每侯之鵠又各取其侯三分之一故推知之也設乏西十北十西與北各去侯六丈也云凡乏三侯各有乏也

蕙田案此所言侯與司裘職文異註以爲彼乃畿內諸侯此爲畿外諸侯敖繼公謂畿內無諸侯盛世佐謂王制天子之縣內諸侯祿也故春秋有凡伯祭伯當從盛氏參侯康成以爲當作參敖繼公以爲參如無往參之參

謂介於二者之間也大侯以大於二侯名則參侯以參於二侯名大侯爲熊侯參侯爲豹侯歟當從敖氏作如字讀但謂爲豹侯亦無所據不如盛世佐謂參用豹侯麋侯爲的又案以上張侯

樂人宿縣於阼階東笙磬西面其南笙鐘其南鐻皆南

陳

注周禮曰凡縣鐘磬半爲堵全爲肆有鐘有磬爲全鐻如鐘而大奏樂以鼓鐻爲節

建鼓在阼階西南鼓應

鼗在其東南鼓

注南鼓謂所伐面也應鼗應鼗鼗也先擊朔聲應鼗應之鼗小鼓也在東便其先擊小後擊大也鼓不在東縣南爲君也

西階之西頌磬東面其南鐘其南鐻皆南陳一建鼓在

其南東鼓朔鼗在其北

注朔始也奏樂先擊西鼗樂爲賓所由來也

一建鼓在西階

之東南面

注言面者國君於其羣臣備三面爾無鐘磬有鼓而已其爲諸侯則軒縣

蕩在建鼓之間

注蕩竹也謂笙

簫之屬倚於堂

鼗倚於頌磬西

注紘編磬繩也設鼗於磬西倚於紘也王制曰天子賜諸侯樂則以祝將之賜伯子男樂則以

之

盛氏世佐日燕禮縣與燕同日此亦於射前一日爲之者大射重於燕也樂以人聲爲貴故歌者在上方爲上所以貴人聲也笙磬吹於東是以東方爲下所以賤匏南鄉北鄉以西方爲上所以貴人聲也笙磬吹於東是以東方爲下所以賤匏竹也非就堂下樂中亦有差等笙管聲之發乎人者也磬鐘之屬聲之發乎器者也故有時以笙爲主而磬以下應之所謂笙奏也詩云笙磬同音是也有時以管爲主而磬以下應之所謂下管也詩云嘒嘒管聲既和且平依我磬聲是也下經云乃管新宮三終則大射樂以管爲主矣

蕙田案以上樂縣

厥明司宮尊於東楹之西兩方壺膳尊兩甌在南有豐
罍用錫若絺綴諸箭蓋罍加勺又反之皆元尊酒在北

注膳尊君尊也後陳之尊之也豐以承尊也罍覆尊巾也錫細布也絺細葛也箭篠也爲罍蓋卷辟綴於篠橫之也又反之爲覆勺也皆元尊二者皆有元酒之尊重本也酒在北尊統於君南爲上也唯君面尊言專惠也疏唯君面尊謂君燕臣子專其恩惠故尊鼻獨君尊士旅食於西罍

之南北面兩圓壺

注旅眾也士旅食未得正祿謂庶人在官者圓壺變於方也賤無元酒

又尊於大侯

之之東北兩壺獻酒

注爲綠侯人巾車穆侯射侯之獲者郊特牲曰汁獻說於醢酒服不之尊侯時而陳於南統於侯皆

東面疏此爲祿侯以下卑賤之人而獻鬱鬯者此所得獻皆因祭侯爲侯之神故用鬱鬯也

設洗於阼階東南罍水

在東篚在洗西南陳設膳篚在其北西面又設洗於獲

者之尊西北水在洗北筐在南東陳

注無爵因服不也有筐爲奠虛爵也服不之洗亦俟

時而陳於其南

小臣設公席於阼階上西鄉司宮設賓席於戶西

南面有加席卿席賓東東上小卿賓西東上大夫繼而東上若有東面者則北上席工於西階之東東上諸公阼階西北面東上官饌

注百官各饌其所當其之物

蕙田案以上陳設

羹定射人告具於公公升卽位於席西鄉小臣師納諸公卿大夫諸公卿大夫皆入門右北面東上士西方東面北上太史在干侯之東北北面東上士旅食者在士南北面東上小臣師從者在東堂下南面西上

注太史在干侯東北士旅

食者在士南爲有侯故入庭深也小臣師正之佐也正相君出入君之大命

張氏爾岐曰自此至南面反奠於其所北面立皆將射先燕之事公命賓納賓以來主人獻賓賓酢主人主人獻公主人受公酢主人酬賓二人舉觶公取觶酬賓遂旅酬主人獻卿二人再舉觶公爲卿舉旅酬主人獻大夫工入奏樂凡十二節

公降立於阼階之東南南鄉小臣師詔揖諸公卿大夫

諸公卿大夫西面北上揖大夫大夫皆少進注詔告也變兩言揖亦以其入

庭深也上言大夫誤衍耳大射正擯注大射正擯者請賓公曰命某爲賓某

大夫誤衍耳大射正擯注命賓者東面南反命注以賓之名又

命之賓再拜稽首受命注又復擯者反命賓出立於門外北

面公揖卿大夫升就席小臣自阼階下北面請執注幕者

與羞膳者注請士可使執君兩軀之羃及羞膳醢庶羞於君者方圓壺獻無羃乃命執注幕者執注幕者

升自西階立於尊南北面東上注命者於西階前以公命命之東上執元尊之羃爲上羞膳者從而

東由堂東升自北階立於房中西膳宰請羞於諸公卿者注膳宰請者

面南上不言命者不升堂畧之膳宰請羞於諸公卿者注膳宰請者

擯者納賓賓及庭公降一等揖賓賓辟注及至也辟遠公升

卽席注以賓將與主人爲禮不參之公升

奏肆夏注肆夏樂章名今亡

蕙田案以上卽位命賓納賓

敖氏繼公曰穆叔聘於晉晉侯享之金奏肆夏之三穆叔曰三夏天子所以享元侯也使臣不敢與聞此惟奏肆夏而不及繁遏渠其辟天子之享禮與

賓升自西階主人從之賓右北面至再拜賓答再拜

主人宰夫也又掌賓客之獻飲食君於主人降洗洗南西北面從降鄉

臣雖爲賓不親獻以其莫敢亢禮賓降階西東面主人辭降賓對主人北面盥坐

取觚洗賓少進辭洗主人坐奠觚於篚與對賓反位

少進者所辭異宜違其位也獻不用爵辟正主主人卒洗賓揖乃升

拜洗主人賓右奠觚答拜降盟賓降主人辭降賓對卒

盟賓揖升主人升坐取觚

注取觚將就瓦甒酌膳執幕者舉幕主人酌

膳執幕者蓋幕酌者加勺又反之

注反之覆勺筵前獻賓賓西

階上拜受爵於筵前反位主人賓右拜送爵

注賓既拜於筵前受爵退復位宰胥薦脯醢

注宰胥宰官之吏也不使膳宰薦不主於飲酒變於燕賓升筵庶子設折俎

注庶子司馬之屬掌正六牲之體者也鄉射記賓坐左執觚右祭脯醢

日賓俎春鴈肩膊不使膳宰設俎爲射變於燕奠爵於薦右興取肺坐絕祭臍之興加於俎坐挽手執

爵遂祭酒興席末坐啐酒降席坐奠爵拜告旨執爵興

主人答拜

注降席席西也旨美也

樂闋

注闋止也樂止者尊賓之禮盛於上也

疏燕

闋亦據啐酒時按郊特牲賓入大門而奏肆夏卒爵而樂闋與此啐酒樂闋不同者彼謂朝聘者故卒爵而樂闋此燕已臣子法故啐酒而樂闋也

賓西

階上北面坐卒爵興坐奠爵拜執爵興主人答拜

蕙田案以上主人獻賓

賓以虛爵降主人降賓洗南西北面坐奠觚少進辭降

主人西階西東面少進對賓坐取觚奠於筐下盥洗

注既

卒爵賓將酢主人也筐下筐南也

主人辭洗賓坐奠觚於筐興對卒洗及階

揖升主人升拜洗如賓禮賓降盥主人降賓辭降卒盥

揖升酌膳執幕如初以酢主人於西階上主人北面拜

受爵賓主人之左拜送爵主人坐祭不啐酒不拜酒遂

卒爵興坐奠爵拜執爵興賓答拜主人不崇酒以虛爵

降奠於筐賓降立於西階西東面擯者以命升賓賓升

立於西序東面

注命公命也

蕙田案以上賓酢主人

主人盥洗象觚升酌膳東北面獻於公公拜受爵乃奏

肆夏

注言乃者其節異於賓

蕙田案前賓入之時已奏肆夏故康成云其節異於賓敖繼公云此奏當以東方之縣

主人降自西階阼階下北面拜送爵宰胥薦脯醢由左

房庶子設折俎升自西階

注鄉射記曰主人袒脊脅臂脯

公祭如賓禮庶子

贊授肺不拜酒立卒爵坐奠爵拜執爵興主人答拜樂闋升受爵降奠於筐

蕙田案以上主人獻公

更爵洗升酌散以降酢於阼階下北面坐奠爵再拜稽首公答拜主人坐祭遂卒爵興坐奠爵再拜稽首公答

拜主人奠爵於篚

蕙田案以上主人自酢

主人盥洗升媵觚於賓酌散西階上坐奠爵拜賓西階上北面答拜主人坐祭遂飲賓辭卒爵興坐奠爵拜執爵興賓答拜主人降洗賓降主人辭降賓辭洗卒洗賓揖升不拜洗主人酌膳賓西階上拜受爵於筵前反位主人拜送爵賓升席坐祭酒遂奠於薦東主人降復位賓降筵西東南面立

蕙田案以上主人酬賓

又案自此以下儀節多與燕禮相爲出入

小臣自阼階下請媵爵者公命長小臣作下大夫二人媵爵媵爵者阼階下皆北面再拜稽首公答拜媵爵者立於洗南西面北上序進盥洗角觶升自西階序進酌

散交於楹北降適阼階下皆奠觶再拜稽首執觶興公
答拜媵爵者皆坐祭遂卒觶興坐奠觶再拜稽首執觶
興公答再拜媵爵者執觶待於洗南小臣請致者若命
皆致則序進奠觶於筐阼階下皆北面再拜稽首公答
拜媵爵者洗象觶升實之序進坐奠於薦南北上降適
阼階下皆再拜稽首送觶公答拜媵爵者皆退反位

門右北面位

蕙田案以上媵觶於公

公坐取大夫所媵觶興以酬賓賓降西階下再拜稽首
小臣正辭賓升成拜

注正長也

敖氏繼公曰小臣正辭亦公命之

公坐奠觶答拜執觶興公卒觶賓下拜小臣正辭賓升
再拜稽首公坐奠觶答拜執觶興賓進受虛觶降奠於

篚易觶興洗公有命則不易不洗反升酌膳下拜小臣正辭賓升再拜稽首公答拜賓告於擯者請旅諸臣擯者告於公公許

敖氏繼公曰旅旅酬之也賓因君所賜請旅諸臣所以廣君賜也公許擯者又以告賓乃旅也

賓以旅大夫於西階上擯者作大夫長升受旅賓大夫之右坐奠觶拜執觶興大夫答拜賓坐祭立卒觶不拜若膳觶也則降更觶洗升賓散大夫拜受賓拜送遂就席

盛氏世佐曰賓初立西序東面既及於筵西東南面立至是始就席禮以漸殺也

大夫辯受酬如受賓酬之禮不祭酒卒受者以虛觶降奠於篚復位

蕙田案以上公爲賓舉旅

主人洗觚升賓散獻卿於西階上司宮兼卷重席設於

賓左東上卿升拜受觚主人拜送觚卿辭重席司宮徹之乃薦脯醢卿升席庶子設折俎

敖氏繼公曰卿有俎

大射差重於燕也

盛氏世佐曰案此薦不言其人意亦宰筭也

卿坐左執爵右祭脯醢奠爵於薦右興取肺坐絕祭不啻肺興加於俎坐挽手取爵遂祭酒執爵興降席西階上北面坐卒爵興坐奠爵拜執爵興主人答拜受爵卿降復位注復西面位辯獻卿主人以虛爵降奠於篚擯者升卿卿皆升就席若有諸公則先卿獻之如獻卿之禮席於阼階西北面東上無加席

蕙田案以上主人獻諸公卿

小臣又請勝爵者二大夫勝爵如初請致者若命長致則勝爵者奠觶於篚

注命長致者使長者一人致也公或時未能舉自優歟

一人待於洗南